



Obavjest proizvođačima povrća u zaštićenom prostoru-plasticima

U narednim danima očekuju se temperature u rasponu od 15° do 19°C, a početkom naredne sedmice vrijednosti će ići iznad 20°C, uz mogućnost povišene jutarnje vlage zraka. Takve vremenske prilike će pogodovati prvim pojavama štetnih organizama životinjskog porijekla u zaštićenom prostoru-plasticima, kao što su: prezimljujuće populacije lisnih uši, buhača, kalifornijskog tripsa i eventualno štitastog moljca. Zato preporučujemo proizvođačima paradajza, krastavca i paprike u zaštićenom prostoru, da iznad rasada postave žute i plave ljepljive ploče kako bi pratili pojavu populaciju gore navedenih štetnika.

Ukoliko dođe do pojave jednog od navedenih štetnika preporučujemo primjenu nekog od sljedećih insekticida: Actara WG, Confidor 200 SL, Mospilan 20 SP, Teppeki WG i sl.

Takođe preporučujemo da se izvrši preventivna zaštita mladih biljaka (rasada povrća i cvijeća) protiv polijeganja sa nekim od sljedećih fungicida: Switch WG, Signum DF, Dithane DG Neotec, Teldor 500 SC, Previcur Energy SL i dr. Sva navedena sredstva za zaštitu bilja su dopuštena u integralnoj proizvodnji.

Proizvođači u sertifikiranoj ekološkoj proizvodnji mogu preventivno koristiti mikro-biološke preparate na osnovi korisnih organizama kao što su: *Bacillus subtilis*, *Bacillus pumilus*, *Trichoderma* spp. i sl. Primjenjuju se kao granulati ili zalijevanjem presađenih biljaka kap po kap.

Svako tretiranje je potrebno evidentirati, a ambalažu zbrinuti na pravilan način. Preparate koristiti u skladu sa uputstvom proizvođača.

